



聖王濟總錄

二之上

庫·文·閣·内	
漢	三六〇
函	三〇〇
架	二
内閣文庫	
番號	漢 12609
冊數	200 (5)
函號	300 212



大學東
校典籍
局之印



大德重校聖濟總錄卷第二之上

運氣

甲午

乙未

丙申

丁酉

戊戌

己亥

庚子

辛丑

壬寅

癸卯

總錄二之上



甲午歲




系金一十二

甲午	丙申	戊戌	庚子	壬寅
丁酉	己未	辛巳	癸卯	

少陰君火司天陽明燥金在泉中見太宮土運歲土太
 過氣化運行先天熱化在上左齡化司氣右動化厥陰
 故天政所布其氣明辛化在下左藏化太陽右明化少
 陽故地氣肅而其令切寒交暑熱加燥雲馳雨府濕化
 迺行時雨迺降金火合德上應熒惑太白其穀白丹熱
 化二雨化五燥化四所謂正化日也羽蟲靜介蟲育藏
 物之宜也毛蟲耗濕毒不生地氣所制也寒熱持於氣
 交而為病始熱病生於上清病生於下寒熱相犯而爭
 於中民病欬喘血溢血泄眈嚏目赤皆瘍寒厥入胃心
 痛腰痛腹大噎乾腫上是歲火為天氣金為地氣火勝

總錄二之一上



金天氣盈宜於年前先取化源以平火氣土運在中天氣生運運生地氣三氣相得而行順化其邪迺微必抑其運土資其歲勝無使暴過而生其病食丹白之穀以全真氣食閒氣之穀以辟虛邪歲宜以鹹爽之而調其上甚則以苦發之以酸收之而安其下甚則以苦泄之適氣異同而多少之運同地氣以溫熱化其化上鹹寒中苦熱下酸熱藥食宜也歲半之前少陰主之少陰之化熱若熱淫所勝卽怫熱至火行其政民病胸中煩熱噎乾右胠滿皮膚痛寒熱欬喘大雨且至唾血血泄衄衄嚏嘔溺色變甚則瘡瘍肘腫肩背臂臑及缺盆中痛

心痛肺臌腹大滿膨膨而喘欬病本于肺診在手尺澤之脉其法平以鹹寒佐以苦甘以酸收之歲半之後陽明主之陽明之氣燥若燥淫于內卽霧霧清暝民病喜嘔嘔有苦善太息心脇痛不能反側甚則噎乾面塵身無膏澤足外反熱其法治以苦溫佐以甘辛以苦下之氣交之中土運主之敦阜之紀是謂廣化厚德清靜順長以盈至陰內實物化充成烟埃朦鬱見於厚土大雨時行濕氣迺用燥政迺辟其化圓其氣豐其政靜其令周備其動濡積并穡其德柔潤重淖其變震驚飄驟其化兼其所勝其病腹滿四肢不舉故曰歲土太過雨濕

流行腎水受邪民病腹滿清厥意不樂體重煩冤甚則
肌肉萎足痿不收行善瘦脚下痛飲發中滿食減四肢
不舉變生得位藏氣伏化氣獨治之泉涌河衍涸澤生
魚風雨大至土潰鱗見于陸病腹滿澹泄腸鳴反下甚
而太谿絕者死不治初之氣自癸巳年大寒日申初至
是歲春分日午初凡六十日八十七刻半主位太角木
客氣太陽水中見土運地氣遷燥將去寒迺始蟄復藏
水迺水霜復降風迺至陽氣鬱民反周密關節禁固腰
腫痛炎暑將起中外瘡瘍宜治太陽之客以苦補之以
鹹寫之以苦堅之以辛潤之歲穀宜丹間穀宜稷雖有

寒邪不能爲害二之氣自春分日午正至小滿日辰正
凡六十日有奇主位少徵火客氣厥陰木中見土運木
勝土陽氣布風迺行春氣以正萬物應榮寒氣時至民
迺和其病淋日瞑目赤氣鬱於上而熱宜治厥陰之客
以辛補之以酸寫之以甘緩之歲穀宜丹間穀宜稻雖
有風邪不能爲害三之氣自小滿日巳初至大暑日卯
初凡六十日有奇至位少徵火客氣少陰火中見土運
二火相加天政布大火行庶類蕃鮮寒氣時至民病氣
厥心痛寒熱更作欬喘目赤宜治少陰之客以酸補之
以甘寫之以酸收之歲穀宜丹間穀宜豆雖有熱邪不

能爲害四之氣自大暑日卯正至秋分日丑正凡六十
日有奇主位太宮土客氣太陰土中見土運氣與運同
又當其位是謂司氣溽暑至大雨時行寒熱互至民病
寒熱嗑乾黃痺飢飢飲發宜調太陰之客以甘補之以
苦寫之以甘緩之歲穀宜白間穀宜麻雖有濕化不能
爲邪是氣也無犯司氣五之氣自秋分日寅初至小雪
日子初凡六十日有奇主位少商金客氣少陽火中見
土運畏火臨暑反至陽迺化萬物迺生迺長榮民迺康
其病溫宜治少陽之客以鹹補之以甘寫之以鹹與之
歲穀宜白間穀宜豆雖有火邪不能爲害終之氣自小

雪日子正至大寒日戌正凡六十日有奇主位太羽水
客氣陽明金中見土運土生金燥令行餘火內格腫於
上欬喘甚則血溢寒氣數舉則霧霧翳病生皮腠內舍
於脇下連少腹而作寒中地將易也宜治陽明之客以
酸補之以辛寫之以苦泄之歲穀宜白間穀宜黍雖有
燥邪不能爲害是歲火勝則水復金勝則火復氣之勝
也微者隨之甚者制之氣之復也稍者平之暴者奪之
皆隨勝氣安其屈伏無間其數以平爲期

春風和暖其氣和而物生
 夏風燥熱其氣燥而物長
 秋風清爽其氣清而物收
 冬風凜冽其氣寒而物藏
 春風和暖其氣和而物生
 夏風燥熱其氣燥而物長
 秋風清爽其氣清而物收
 冬風凜冽其氣寒而物藏
 春風和暖其氣和而物生
 夏風燥熱其氣燥而物長
 秋風清爽其氣清而物收
 冬風凜冽其氣寒而物藏
 春風和暖其氣和而物生
 夏風燥熱其氣燥而物長
 秋風清爽其氣清而物收
 冬風凜冽其氣寒而物藏

乙未歲



有餘宜高不及宜下有餘宜晚不及宜早土之利氣之化也民氣亦從之其病寒濕腹滿身臃憤肘腫痞逆寒厥拘急土爲天氣水爲地氣土勝水天氣盈地氣虛當取化源以平土氣金運在中天氣生運運生地氣三氣相得其化順邪氣迺微必益其歲氣無使邪勝食齡玄之穀以全其真食間氣之穀以保其精歲宜以苦燥之溫之甚者發之泄之不發不泄則濕氣外溢肉潰皮拆而水血交流必贊其陽火令禦甚寒歲運同寒宜以熱化其化上苦熱中酸和下甘熱所謂藥食宜也歲半以前太陰主之若濕淫所勝則沉陰且布雨變枯槁肘腫

骨痛陰痺陰痺者按之不得腰脊頭項痛時眩大便難陰氣不用飢不欲食欬唾則有血心如懸病本于腎診在足太谿之脉其法平以苦熱佐以酸辛以苦燥之以淡泄之歲半以後太陽主之若寒淫于內則凝肅慄慄民病少腹控睪引腰脊上衝心痛血見噎痛頰腫其法治以甘熱佐以苦辛以鹹寫之以辛潤之以苦堅之歲運之化金不及紀曰從革是謂折收收氣迺後生氣迺揚長化合德火政迺宜庶類以蕃其氣揚其用躁切其動鏗禁脅厥其發欬喘其化兼所不勝其病噫欬鼽衄候其氣者夏有光顯鬱蒸之令則冬有嚴凝整肅之應

若夏有炎爍燔燎之變則秋有冰雹霜雪之復其管西
其藏肺其病內舍膺脇肩背外在皮毛所謂歲金不及
民病肩背脊重黓嚏血便注下收氣迺後復則寒雨暴
至迺零冰雹霜雪殺物陰厥且格陽反上行頭腦尸痛
延及凶頂發熱口瘡甚則心痛初之氣自甲午年大寒
日亥初至是歲春分日酉初凡六十日入十七刻半主
位太角木客氣厥陰木中見金運木當其位地氣遷寒
迺去春氣正風迺來生布萬物以榮民氣條舒風濕相
薄雨迺後民病血溢筋絡拘強關節不利身重筋痿宜
調厥陰之客以辛補之以酸寫之以甘緩之歲穀宜藪

間穀宜稻雖有風化不能爲邪二之氣自春分日酉正
至小滿日未正凡六十日有奇主位少徵火客氣少陰
火中見金運二火得位而勝金運大火正物承化民迺
和其病溫厲盛行遠近咸若濕蒸相薄雨迺時降宜調
少陰之客以鹹補之以甘寫之以酸收之歲穀宜藪間
穀宜豆雖有熱化不能爲邪三之氣自小滿日申初至
大暑日午初凡六十日有奇主位少徵火客氣太陰土
中見金運火生土天政布濕氣降地氣騰雨迺時降寒
迺隨之感於寒濕民病身重肘腫胸腹滿宜治太陰之
客以甘補之以苦寫之以甘緩之歲穀宜藪間穀宜麻

雖有濕邪不能爲害四之氣自大暑日午正至秋分日
辰正凡六十日有奇主位太宮土客氣少陽火中見金
運火勝金畏火臨溽蒸化地氣騰天氣否隔寒風曉暮
蒸熱相薄草木凝煙濕化不流則白露陰布以成秋令
民病腠理熱血暴溢瘡心腹滿熱臚脹甚則肘腫宜治
少陽之客以鹹補之以甘寫之以鹹奠之歲穀宜玄間
穀宜豆雖有火邪不能爲害五之氣自秋分日巳初至
小雪日卯初凡六十日有奇主位少商金客氣陽明金
中見金運氣與運同又得其位慘令已行寒露下霜迺
早降草木黃落寒氣及體君子周密民病皮膚腠宜調陽

明之客以酸補之以辛寫之以苦泄之歲穀宜玄間穀
宜黍雖有燥化不能爲邪是氣也司氣以涼用涼無犯
終之氣自小雪日卯正至大寒日丑正凡六十日有奇
主位太羽水客氣太陽水中見金運金生水寒大舉濕
大化霜迺積陰迺凝水堅冰陽光不治感於寒則病人
關節禁固腰脰痛寒濕持於氣交而爲疾也宜調太陽
之客以苦補之以鹹寫之以苦堅之以辛潤之歲穀宜
玄間穀宜稷雖有寒化不能爲邪歲氣之交濕勝則厥
陰復之寒勝則太陰復之觀其氣至而致其治濕者燥
之寒者熱之溫者清之其氣迺平治之大體也

其運水贊所不勝則暴過不生苛疾不起歲宜鹹宜辛
宜酸滲之泄之漬之發之觀氣寒溫以調其過運異風
熱宜少寒化食宜同法此其道也故曰其化上鹹寒中
鹹溫下辛溫所謂藥食宜也歲半之前少陽相火主之
若火搖所勝則溫氣流行金政不平民病頭痛發熱惡
寒而瘧熱上皮膚痛色變黃赤傳而爲水身面肘腫腹
滿仰息泄注赤白瘡瘍欬唾血煩心胸中熱甚則魀蚘
病本于肺診在手天府之脉其法平以鹹冷佐以苦甘
以酸收之以苦發之以酸復之歲半之後厥陰風木主
之若風淫于內則地氣不明平野昧草廼早秀民病灑

灑振寒善伸數欠心痛支滿兩脇裏急飲食不下鬲咽
不通食則嘔腹脹善噫得後與氣則快然如衰身體皆
重其法治以辛涼佐以苦以甘緩之以辛散之歲運之
化水運太過紀曰流行是謂封藏寒司物化天地嚴凝
藏政以布長令不揚其化凜其氣堅其政謐其令流注
其動漂泄沃涌其德凝慘寒雰其變冰雪霜雹其病脹
其化兼其所勝故曰歲水太過寒氣流行邪害心火民
病身熱煩心躁悸陰厥上下中寒譫妄心痛甚則腹大
脛腫喘欬寢汗出憎風診在手神門之脉其法治以鹹
溫初之氣自乙未年大寒日寅初至是歲春分日子初

凡六十日八十七刻半主位太角木客氣少陰火中見水運木生火水運承之地氣遷風勝廼搖寒廼去候廼大溫草木早榮寒來不殺溫病廼起其病氣佛於上血溢目赤欬逆頭痛血傷脇滿膚腠中瘡宜治少陰之客以鹹補之以甘寫之以酸收之歲穀宜丹間穀宜豆二之氣自春分日子正至小滿日戌正凡六十日有奇主位少徵火客氣太陰土中見水運土勝水火反鬱白埃四起雲趨雨府風不勝濕雨廼零民廼康其病熱鬱於上欬逆嘔吐瘡發於中胸噎不利頭痛身熱昏憤膿瘡宜治太陰之客以甘補之以苦寫之以甘緩之歲穀宜

丹間穀宜麻三之氣自小滿日亥初至大暑日酉初凡六十日有奇主位少徵火客氣少陽火中見水運火居其位水運承之天政布炎暑至少陽臨上雨廼涯民病熱中聾瞋血溢膿瘡欬嘔魴魴渴嚏欠喉痹目赤善暴死宜調少陽之客以鹹補之以甘寫之以鹹更之歲穀宜丹間穀宜豆四之氣自大暑日酉正至秋分日未正凡六十日有奇主位太宮土客氣陽明金中見水運土生金涼廼至炎暑間化白露降民氣和平其病滿身重宜治陽明之客以酸補之以辛寫之以苦泄之歲穀宜蒼間穀宜黍五之氣自秋分日申初至小雪日午初凡

六十日有奇主位少商金客氣太陽水中見水運水金相和又氣與運同歲之司氣是爲玄化時令至此陽廼去寒廼來雨廼降氣門廼閉剛木早凋民避寒邪君子周密宜治太陽之客以苦補之以鹹寫之以苦堅之以辛潤之歲穀宜蒼間穀宜稷是氣也用寒遠寒無犯司氣之寒終之氣自小雪日午正至大寒日辰正凡六十日有奇主位太羽水客氣厥陰木中見水運水生木地氣正風廼至萬物反生霧霧以行其病關閉不禁心痛陽氣不藏而欬其法宜治厥陰之客以辛補之以酸寫之以甘緩之歲穀宜蒼間穀宜稻此六氣之化也歲氣

火木同德其氣專其化淳勝氣自微而况聖人遇之和而不爭也

火木同... 火木同...

Blank lines for text entry.

丁酉歲

歲次...

十七



陽明燥金司天少陰君火在泉中見少角木運歲木不及氣化運行後天燥化在上左藏化右明化故天氣急而其政切苦化在下左柔化右蒼化故地氣明而其令暴陽專其令炎暑盛行物燥以堅淳風迺治風燥橫運流於氣交多陽少陰雲趨雨府濕化迺敷燥極而澤清先而勁毛蟲迺死熱後而暴介蟲迺殃金火合德上應太白熒惑其穀白丹間穀命太徵之穀其耗白甲品羽清化熱化勝復同所謂邪氣化日也燥化九風化三熱化七所謂正化日也介蟲靜羽蟲育是謂歲物之宜介蟲耗寒毒不生是皆地氣所制清熱之氣持於氣交民

總錄二之上



病欬噎塞寒熱發暴振慄瘳闕金爲天氣火爲地氣火
勝金天氣虛當資化源以助金氣安其運木無使受邪
食白丹之穀以安其氣食間氣之穀以去其邪歲宜以
鹹以苦以辛汗之清之散之運與熱同宜多天化此其
道也其化上苦小溫中辛和下鹹寒所謂藥食宜也歲
半之前陽明主之若燥溼所勝則木迺晚榮草迺晚生
筋骨內變民病左肱脇痛寒清于中感而瘡大涼革候
欬腹中鳴注泄驚澹名木斂生苑于下草焦上首心脇
暴痛不可反側噎乾面塵腰痛目昧背瘍瘡瘰癧病本
于肝診在足太衝脉法宜平以苦溫佐以酸辛以苦下

之歲半之後少陰主之若熱淫于內則焰浮川澤陰處
反明民病腹中常鳴氣上衝胸喘不能久立寒熱皮膚
痛目瞋齒痛頤腫惡寒發熱如瘡少腹中痛腹大法宜
治以鹹寒佐以甘苦以酸收之以苦發之歲運之化木
不及紀曰委和是謂勝生生氣不政化氣迺揚長氣自
平收令迺早涼雨時降風雲並興草木晚榮蒼乾凋落
物秀而實膚肉內充其氣斂其用聚其動縵戾拘緩其
發驚駭其化兼所不勝春有鳴條律暢之化則秋有霧
露清涼之政春有慘悽殘賊之勝則夏有炎暑燔爍之
復其眚東其藏肝其病內舍肱脇外在關節上臨陽明

上商與正商同其病支廢癱腫瘡瘍其甘蟲邪傷肝也
初之氣自丙申年大寒日巳初至是歲春分日卯初凡
六十日八十七刻半主位少角木客氣太陰土中見木
運風濕相遇以行春令地氣遷陰始凝氣始肅水迺冰
寒雨化民病中熱脹面目浮腫善眠鼾嚏欠嘔小便
黃赤甚則淋宜調太陰之客以甘補之以苦寫之以甘
緩之歲穀宜白間穀宜麻雖有濕化不能爲邪二之氣
自春分日卯正至小滿日丑正凡六十日有奇主位太
徵火客氣少陽火中見木運二火相加木運相和陽迺
布民迺舒物迺生榮厲大至民善暴死宜治少陽之客

以鹹補之以甘寫之以鹹奠之歲穀用白間穀用豆雖
有火邪不能爲害三之氣自小滿日寅初至大暑日子
初凡六十日有奇主位太徵火客氣陽明金中見木運
金勝木天政布涼迺行燥熱交合燥極而澤民病寒熱
宜治陽明之客以酸補之以辛寫之以苦泄之歲穀宜
白間穀宜黍雖有燥邪不能爲害四之氣自大暑日子
正至秋分日戌正凡六十日有奇主位少宮土客氣太
陽水中見木運寒雨降民病暴仆振慄譫妄少氣噤乾
引飲及爲心痛癰腫瘡瘍瘡寒之疾骨痠血便宜治太
陽之客以苦補之以鹹寫之以苦堅之以辛潤之歲穀

宜丹間穀宜稷雖有寒邪不能爲害五之氣自秋分日
亥初至小雪日酉初凡六十日有奇主位太商金客氣
厥陰木中見水運氣與運同司氣爲蒼化春令反行草
廼生榮民氣和宜調厥陰之客以辛補之以酸寫之以
甘緩之歲穀宜丹間穀宜稻雖有風化不能爲邪是氣
也用溫遠溫無犯司氣之溫終之氣自小雪日酉正至
大寒日未正凡六十日有奇主位少羽水客氣少陰火
中見水運水生木木生火其化順陽氣布候反溫蟄蟲
反見流火不冰民廼康平其病溫宜治少陰之客以鹹
補之以甘寫之以酸收之歲穀宜丹間穀宜豆雖有熱

邪不能爲害歲氣之交天氣勝者少陽復之地氣勝者
太陽復之其治各依其復法

戊戌歲



續錄

十一



總錄二之上

太陽寒水司天太陰濕土在泉中見太微火運歲火太
 過氣化運行先天寒化在上左動化右清化故天政所
 布其氣肅甘化在下左丹化右灼化故地氣靜而其令
 徐寒臨太虛其政大舉陽氣不令澤無陽燄則火發待
 時少陽中治時雨迺涯止極雨散還於太陰雲朝北極
 濕化迺布澤流萬物寒敷于上雷動于下寒化一熱化
 七濕化五所謂正化日也鱗蟲靜保蟲育是謂歲物所
 宜鱗蟲不成燥毒不生是皆地氣所制寒濕之氣持於
 氣交水土合德上應辰星鎮星其穀玄斡民病寒濕發
 肌肉萎足痿不收濡瀉血溢蓋水為天氣土為地氣土

勝水天氣虛先資化原以助水化抑其運水扶其不勝
無使暴過而生其疾食玄穀之穀以全其真避虛邪之
氣以安其正歲宜苦以燥之溫之適氣同異多少制之
運與寒濕異宜以燥濕化其化上苦溫中甘和下甘溫
所謂藥食宜也歲半之前天氣主之其化太陽寒水若
寒淫所勝則寒氣反至水且冰血變于中發爲癰瘍民
病厥心痛嘔血血泄飀衄善悲時眩仆運火炎烈雨暴
廼霄胸腹滿手熱肘攣腋腫心澹澹大動胸脇胃腕不
安面赤目黃善噫噎乾甚則色焔渴而欲飲病本于心
診在手神門之脉其法平以辛熱佐以甘苦以鹹寫之


歲半之後地氣主之其化太陰濕土若濕淫于內則埃
昏巖谷黃反見黑至陰之交民病飲積心痛耳聾渾渾
焯焯噎腫喉痹陰病血見少腹痛腫不得小便病衝頭
痛目似脫項似拔腰似折髀不可以回膈如結膈如別
其法治以苦熱佐以酸淡以苦燥之以淡泄之歲運之
火紀曰赫曦是謂蕃茂陰氣內化陽氣外榮炎暑施化
物得以昌其化長其氣高其政動其令鳴顯其動炎灼
妄擾氣德暄暑鬱蒸其變炎烈沸騰其化兼其所勝其
病笑瘡瘡瘍血流狂妄目赤上見太陽水抑運火是謂
上羽與正徵同其收齊其病瘞其治宜以甘和初之氣

自丁酉年大寒日申初至是歲春分日午初凡六十日
八十七刻半主位少角木客氣少陽火中見火運氣與
運同地氣遷氣迺大溫草迺早榮民迺厲溫病迺作身
熱頭痛嘔吐肌腠瘡瘍宜調少陽之客以鹹補之以甘
寫之以鹹奠之歲穀宜玄間穀宜豆則火不爲邪是氣
也無犯司氣之熱二之氣自春分日午正至小滿日辰
正凡六十日有奇主位太徵火客氣陽明金中見火運
歲運得位陽明客之燥熱相遇大涼反至民迺慘草迺
遇寒火氣遂抑民病氣鬱中滿寒迺始宜調陽明之客
以酸補之以辛寫之以苦泄之歲穀宜玄間穀宜黍則

燥不爲邪三之氣自小滿日巳初至大暑日卯初凡六
十日有奇主位太徵火客氣太陽水中見火運火當其
位天政布寒氣行民病寒反熱中癰疽注下心熱督悶
不治者死宜治太陽之客以苦補之以鹹寫之以苦堅
之以辛潤之歲穀宜玄間穀宜稷則寒不爲邪四之氣
自大暑日卯正至秋分日丑正凡六十日有奇主位少
宮土客氣厥陰木中見火運土木相刑風濕交爭風化
爲雨迺長迺化迺成民病大熱少氣肌肉萎足痿注下
赤白宜治厥陰之客以辛補之以酸寫之以甘緩之歲
穀宜齡間穀宜稻則風不爲邪五之氣自秋分日寅初

新錄二之一
至小雪日子初凡六十日有奇主位太商金客氣少陰
火中見火運氣與運同不司氣化時令至此陽復化草
廼長廼化廼成民廼舒宜調少陰之客以鹹補之以甘
寫之以酸收之歲穀宜藪間穀宜豆則熱不爲邪終之
氣自小雪日子正至大寒日戌正凡六十日有奇主位
少羽水客氣太陰土中見火運地氣正濕令行陰凝太
虛埃昏郊野民廼慘悽寒風以至反者孕廼死宜治太
陰之客以甘補之以苦寫之以甘緩之歲穀宜藪間穀
宜麻則濕不爲邪此六氣之化也歲半之前有勝氣者
歲半之後必有復氣水勝則太陰復之土勝則厥陰復

之治各以其勝復之法



五之書總錄二之上

厥陰風木司天少陽相火在泉中見少宮土運歲土不及氣化運行後天風化為天氣灼化左藏化右故天氣擾而其政撓苦化為地氣清化左齡化右故地氣正而其令速風生高遠炎熱從之雲趨雨府濕化迺行風火同德上應歲星熒惑其穀蒼丹間穀言太商者其耗文角品羽風化清化勝復同所謂邪氣化日也風化三濕化五火化七所謂正化日也毛蟲靜羽蟲育是謂歲物之宜介蟲耗寒毒不生是皆地氣所制風燥火熱勝復更作熱病行於下風病行於上風燥勝復形於中陰在上陽在下天氣虛當資化源以助木氣歲土不及上角

與正角同其邪迺微必贊其運氣無使邪勝歲宜以辛
調上以鹹調下畏火之氣無妄犯之故曰其化上辛涼
中甘和下鹹寒藥食宜也歲半之前厥陰風化主之若
風淫所勝則太虛埃昏雲物以擾寒生春氣流水不冰
民病胃脘當心而痛上支兩脇鬲咽不通飲食不下舌
本強食則嘔冷泄腹脹溇泄痕水閉蟄蟲不去病本于
脾診在足衝陽之脉法宜平以辛涼佐以苦甘以甘緩
之以酸寫之歲半之後少陽相火主之若火淫于內則
熇明郊野寒熱更至民病注泄赤白少腹痛溺赤甚則
血便法宜治以鹹冷佐以苦辛以酸收之以苦發之歲

運之化紀曰卑監是謂減化化氣不令生政獨彰長氣
整雨迺愆收氣平風寒並興草木榮美秀而不實成而
糝也其氣散其用靜定其動瘍涌分潰癰腫其發濡滯
其化兼所不勝風化盛行四維有埃雲潤澤之化則春
有鳴條鼓拆之政四維發振拉飄騰之變則秋有肅殺
霖霽之復其管四維其藏脾其病內舍心腹外在肌肉
四肢上臨厥陰氣同正角民病殮泄邪傷脾也法宜治
以甘和始之氣自戊戌年大寒日亥初至是歲春分日
酉初凡六十日八十七刻半主位少角木客氣陽明金
中見土運土生金清化行寒始肅殺氣方至民病寒於

右之下宜治陽明之客以酸補之以辛寫之以苦泄之
歲穀宜蒼間穀宜黍制其燥邪弗能爲害二之氣自春
分日酉正至小滿日未正凡六十日有奇主位太徵火
客氣太陽水中見土運濕寒合氣以行舒榮之化寒不
去華雪水冰殺氣施化霜迺降名草上焦寒雨數至陽
復化民病熱於中宜治太陽之客以苦補之以鹹寫之
以苦堅之以辛潤之歲穀宜蒼間穀宜稷制其寒邪弗
能爲害三之氣自小滿日申初至大暑日午初凡六十
日有奇主位太徵火客氣厥陰木中見土運木勝土天
政布風迺時舉民病泣出耳鳴掉眩宜治厥陰之客以

辛補之以酸寫之以甘緩之歲穀宜蒼間穀宜稻制其
風邪莫能爲害四之氣自大暑日午正至秋分日辰正
凡六十日有奇主位少宮土客氣少陰火中見土運土
居其位少陰居之溽暑至濕熱相薄爭於左之上民病
黃瘡而爲胗腫宜治少陰之客以鹹補之以甘寫之以
酸收之歲穀宜丹間穀宜豆制其邪熱莫能爲害五之
氣自秋分日巳初至小雪日卯初凡六十日有奇主位
太商金客氣太陰土中見土運氣與運同燥濕更勝沉
陰迺布寒氣及體風雨迺行宜治太陰之客以甘補之
以苦寫之以甘緩之歲穀宜丹間穀宜麻制其濕邪莫

能為害是氣也無犯司氣終之氣自小雪日卯正至大
 寒日丑正凡六十日有奇主位少羽水客氣少陽火中
 見土運火土相得畏火司令陽迺大化蟄蟲出見流水
 不水地氣大發草迺生人迺舒其病溫厲宜治少陽之
 客以鹹補之以甘寫之以鹹更之歲穀宜丹間穀宜豆
 制其火邪莫能為害歲氣大法風勝則有陽明之復火
 勝則有太陽之復觀氣所至各以其法治之

此六日... 日... 主... 少... 官... 主... 客... 火... 中... 見... 土... 運... 火... 土... 相... 得... 畏... 火... 司... 令... 陽... 迺... 大... 化... 蟄... 蟲... 出... 見... 流... 水... 不... 水... 地... 氣... 大... 發... 草... 迺... 生... 人... 迺... 舒... 其... 病... 溫... 厲... 宜... 治... 少... 陽... 之... 客... 以... 鹹... 補... 之... 以... 甘... 寫... 之... 以... 鹹... 更... 之... 歲... 穀... 宜... 丹... 間... 穀... 宜... 豆... 制... 其... 火... 邪... 莫... 能... 為... 害... 歲... 氣... 大... 法... 風... 勝... 則... 有... 陽... 明... 之... 復... 火... 勝... 則... 有... 太... 陽... 之... 復... 觀... 氣... 所... 至... 各... 以... 其... 法... 治... 之...

庚子歲



其令切二歲交司之氣寒交暑天地相應之氣熱加燥雲馳雨府濕化迺行時雨迺降金火合德上應熒惑太白其穀丹白熱化七清化九燥化九所謂正化之日羽蟲靜介蟲育是謂歲物所宜毛蟲耗濕毒不生是謂地氣所制水火寒熱持於氣交而爲病始熱病生於上清病生於下寒熱相犯而爭於中民病欬喘血溢血泄黧噫目赤眚瘍寒厥入胃心痛腰痛腹大噎乾腫上歲半之前小陰君火以司天氣少陰之化有本標之異寒熱得中其氣迺和而無熱淫之勝歲半之後陽明燥金以司地氣陽明不從標本以中氣爲化燥濕相兼其化迺

平而無燥淫之勝是歲平金無勝復不取化源惟資歲勝折其鬱氣無使暴過而生其病歲宜以鹹寒調其上以酸溫安其下以辛溫調其中食丹白之穀以全真氣食閒氣之穀以辟虛邪運同地氣宜多溫熱化司氣以涼用涼遠涼此其道也初之氣自己亥年大寒日寅初至是歲春分日子初凡六十日八十七刻半主位少角木客氣太陽水中見金運風寒燥三氣同奉少陰之政以行春令地氣遷燥將去寒迺始蟄復藏水迺冰霜復降風迺至陽氣鬱民反周密關節禁固腰膝痛炎暑將起中外瘡瘍宜治太陽之客以苦補之以鹹寫之以苦

堅之以辛潤之歲穀用丹間穀用稷廼無寒邪之害二
之氣自春分日子正至小滿日戌正凡六十日有奇主
位太徵火客氣厥陰木中見金運風火燥三氣同奉少
陰之政以行舒榮之化木火相得陽氣布風廼行春氣
以正萬物應榮寒氣時至民廼和其病淋目瞑目赤氣
鬱於上而熱宜治厥陰之客以辛補之以酸寫之以甘
緩之歲穀用丹間穀用稻廼無風邪之害三之氣自小
滿日亥初至大暑日酉初凡六十日有奇主位太徵火
客氣少陰火中見金運二火勝運又爲天政所布故大
火行庶類蕃鮮寒氣時至民病氣厥心痛寒熱更作欬

喘目赤宜治少陰之客以鹹補之以甘寫之以酸收之
歲穀用丹間穀用豆廼無熱邪之害四之氣自大暑日
酉正至秋分日未正凡六十日有奇主位少宮土客氣
太陰土中見金運土得其位以生運金二氣相得以行
陽明之令溽暑至大雨時行寒熱互至民病寒熱嗌乾
黃痺飶飶飲發宜治太陰之客以甘補之以苦寫之以
甘緩之歲穀用白間穀用麻廼無濕邪之害五之氣自
秋分日申初至小雪日午初凡六十日有奇主位太商
金客氣少陽火中見金運歲金雖得位客氣少陽用事
清化廼抑畏火臨暑反至陽廼化萬物廼生廼長榮民


迺康其病溫宜治少陽之客以鹹補之以甘寫之以鹹
 與之歲穀用白間穀用豆迺無火邪之害終之氣自小
 雪日午正至大寒日辰正凡六十日有奇主位少羽水
 客氣陽明金中見金運金氣相符水氣生之又為歲之
 司氣金氣迺平故燥令行餘火內格民病腫於上欬喘
 甚則血溢寒氣數舉則霧霧翳病生皮膚內舍於脇下
 連少腹而作寒中宜調陽明之客以酸補之以辛寫之
 以苦泄之歲穀用白間穀用黍迺無燥邪之害是氣也
 司氣以涼用涼無犯是謂至治之書四之原也大暑日

辛丑歲



太陰濕土司天太陽寒水在泉中見少羽水運歲水不
 及氣化運行後天涸流之紀曰上宮與正宮同是歲天
 氣平又少羽下加太陽不及而加同歲會凡歲會為行
 令此運化亦平也諸同正歲氣化運行同天歲運既平
 命曰靜順之紀藏而勿害治而善下五化成整其氣明
 其性下其用沃衍其化凝堅其政流演其候凝肅其令
 寒其類水其應冬其穀豆其果栗其實濡其蟲鱗其畜
 彘其色黑其味鹹其音羽其數六其在人也其藏為腎
 其主二陰其養骨髓其病厥此歲運之化也天地之氣
 濕化在上明化左灼化右故地氣上騰而其政肅鹹化

總錄二之上



在下動化左清化右故天氣下降而其令寂陰專其政
陽氣退辟大風時起原野昏霧白埃四起雲奔南極寒
雨數至物成於差夏濕寒合德黃黑埃昏流行氣交上
應鎮星辰星其穀齡玄故陰凝於上寒積於下寒水勝
火則爲水雹陽光不治殺氣廻行民病寒濕腹滿身臃
臃附腫痞逆寒厥拘急故有餘宜高不及宜下有餘宜
晚不及宜早土之利氣之化也民氣亦從之間穀命太
徵太商之穀歲氣旣平不取化源唯折其水鬱之氣無
使邪勝食齡玄之穀以全其真食間氣之穀以保其精
歲宜以苦熱調上以苦熱調下以苦和調中燥之溫之

歲半之前天氣太陰主之太陰所至爲雲雨其化從本
當其時多行雨濕化者太陰之政也歲半之後地氣太
陽主之太陽所至爲寒霧其化從本從標當其時寒氣
至而熱氣應者地氣之平也初之氣自庚子歲大寒日
巳初至是年春分日卯初凡六十日八十七刻半主位
少角木客氣厥陰木中見水運木當其位水運統之奉
太陰之政而行春令地氣遷寒廻去春氣正風廻來生
布萬物以榮民氣條舒風濕相薄雨廻後民病血溢筋
絡拘強關節不利身重筋痿宜治厥陰之客以辛補之
以酸寫之以甘緩之歲穀用齡間穀用稻廻無客風之

害二之氣自春分日卯正至小滿日丑正凡六十日有奇主位太徵火客氣少陰火中見水運火當其位陰精承之寒熱二氣奉太陰之政以行舒榮之化太火正物承化民廼和其病溫厲盛行遠近咸若濕蒸相薄雨廼時降宜治少陰之客以鹹補之以甘寫之以酸收之歲穀用藪間穀用豆廼無客熱之害三之氣自小滿日寅初至大暑日子初凡六十日有奇主位太徵火客氣太陰土中見水運天政所布濕氣降地氣騰雨廼時降寒廼隨之感於寒濕民病身重肘腫胸腹滿宜治太陰之客以甘補之以苦寫之以甘緩之歲穀用藪間穀用麻

廼無濕邪之害四之氣自大暑日子正至秋分日戌正凡六十日有奇主位小宮土客氣小陽火中見水運火土相得奉太陽之令畏火臨溽蒸化地氣騰天氣否隔寒風曉暮蒸熱相薄草木凝煙濕化不流則白露陰布以成秋令民病腠理熱血暴溢瘡心腹滿熱臚脹甚則肘腫宜治少陽之客以鹹補之以甘寫之以鹹爽之歲穀用玄間穀用豆廼無熱邪之害五之氣自秋分日亥初至小雪日酉初凡六十日有奇主位太商金客氣陽明金中見水運金當其位與水運相得慘令已行寒露下霜廼早降草木黃落寒氣及體君子周密民病皮膚腠

宜治陽明之客以酸補之以辛寫之以苦泄之歲穀用
玄間穀用黍廼無客燥之害終之氣自小雪日酉正至
大寒日未正凡六十日有奇主位少羽水客氣太陽水
中見水運氣運符會寒大舉濕大化霜廼積陰廼凝水
堅冰陽光不治感於寒則病人關節禁固腰膝痛寒濕
持於氣交而爲疾也宜治太陽之客以苦補之以鹹寫
之以苦堅之以辛潤之歲穀用玄間穀用稷廼無客寒
之害是歲行平氣之化歲會爲行令無淫氣勝復唯行
德化政令然土爲天氣水爲地氣水土雖睦而運化不
及濕土在上氣刑之或有濕邪其氣亦微內經所謂中

行令者其病徐而持也

壬寅歲
 正月
 二月
 三月
 四月
 五月
 六月
 七月
 八月
 九月
 十月
 十一月
 十二月

壬寅歲



少陽相火司天厥陰風木在泉中見太角木運歲木太
 過氣化運行先大太角下加厥陰太過而加同天符天
 符爲熱法平木之化也命曰敷和之紀木德周行陽舒
 陰布五化宣平其氣端其性隨其用曲直其化生榮其
 政發散其候溫和其類草木其物中堅其令風其應春
 其穀麻其果李其實核其蟲毛其畜犬其色蒼其味酸
 其音角其數八其在人也其藏肝其主目其養筋其病
 裏急肢滿此歲運所主也天地之氣火化在上左清化
 右柔化故天氣正而其政嚴酸化在下左灼化右藏化
 故地氣擾而其令撓風迺暴舉木偃沙飛炎火迺流陰

總錄二之上

四十一

總錄二之上

四十



行陽化雨迺時應火木同德上應熒惑歲星其穀丹蒼
風熱參布雲物沸騰太陰橫流寒迺時至涼雨並起民
病寒中外發瘡瘍內爲泄滿聖人遇之和而不爭往復
之作民病寒熱瘧泄聾瞑嘔吐上怫腫色變歲半之前
天氣少陽主之少陽所至爲炎暑其化從本當其時火
化盛行風氣應之候迺和歲半之後地氣厥陰主之厥
陰所至爲風府其化不從標本而以中氣爲化當其時
風從火化者厥陰之中也是歲運化旣平不取化源惟
贊所不勝則暴過不生苛疾不起歲宜以鹹寒調上以
辛涼調下以酸和調中滲之泄之漬之發之運同風熱

宜多寒化司氣以溫用溫遠溫治之常也初之氣自辛
丑年大寒日申初至是歲春分日午初凡六十日八十
七刻半主位太角木客氣少陰火中見木運木火相得
運當其位以奉少陽之政而行春令地氣遷風勝迺搖
寒迺去候迺大溫草木早榮寒來不殺溫病迺起其病
氣怫於上血溢目赤欬逆頭痛血傷脇滿膚腠中瘡宜
治少陰之客以鹹補之以甘寫之以酸收之歲穀宜丹
間穀宜豆則熱不爲邪二之氣自春分日午正至小滿
日辰正凡六十日有奇主位少徵火客氣太陰土中見
木運風濕之氣奉畏火之政以行舒榮之化火反鬱白

埃四起雲趨雨府風不勝濕雨迺零民迺康其病熱鬱於上欬逆嘔吐瘡發於中胸噎不利頭痛身熱昏憤膿瘡宜治太陰之客以甘補之以苦寫之以甘緩之歲穀宜丹間穀宜麻則濕不爲邪三之氣自小滿日巳初至大暑日卯初凡六十日有奇主位少徵火客氣少陽火中見木運火當其位與木運之氣相得天政布炎暑至少陽臨上雨迺涯民病熱中聾瞶血溢膿瘡欬嘔鼽衄渴噎欠喉痺目赤善暴死宜治少陽之客以鹹補之以其寫之以鹹爽之歲穀宜丹間穀宜豆則火不爲邪是歲木氣適平自無暴死四之氣自大暑日卯正至秋分

日丑正凡六十日有奇主位太宮土客氣陽明金中見木運風燥之氣下應在泉厥陰之令而爲天地交司秋氣早行涼迺至炎暑間化白露降民氣和平其病滿身重宜治陽明之客以酸補之以辛寫之以苦泄之歲穀宜蒼間穀宜黍則燥不爲邪五之氣自秋分日寅初至小雪日子初凡六十日有奇主位少商金客氣太陽水中見木運水木相和與金相得當此一氣寒化早至陽迺去寒迺來雨迺降氣門迺閉剛木早凋民避寒邪君子周密宜治太陽之客以辛補之以鹹寫之以苦堅之以辛潤之歲穀宜蒼間穀宜稷則寒不爲邪終之氣自

小雪日子正至大寒日戌正凡六十日有奇主位太羽
 水客氣厥陰木中見木運太角下加厥陰之時運與氣
 符其化和平又居水位水木相得其化迺順地氣正風
 迺至萬物反生霧霧以行其病關閉不禁心痛陽氣不
 藏而欬氣平之時不應有疾或有疾者氣有所承不能
 無侮所謂邪中執法也經曰中執法者其病速而危宜
 治厥陰之客以辛補之以酸寫之以甘緩之歲穀宜蒼
 間穀宜稻則風不為邪此一氣司氣以溫用溫無犯良
 木賊風。 一氣司氣以溫用溫無犯良
 日五五八六十月日有奇主位太宮土客氣運太角下加厥陰之時運與氣

癸卯歲





總錄二之上

陽明燥金司天少陰君火在泉中見少徵火運歲火不及
 及氣化運行後天伏明之紀曰上商與正商同言天氣
 平也六元正紀曰少徵下加少陰不及而加同歲會言
 歲運平也諸同正歲氣化運行同天上見天氣平下見
 運火平火氣之平命曰升明之紀正陽而治德施周普
 五化均衡其氣高其性速其用燔灼其化蕃茂其政明
 曜其候炎暑其類火其應夏其穀麥其果杏其實絡其
 蟲羽其畜馬其色赤其味苦其物脉其音徵其數七其
 在人也其藏心其主舌其養血其病暍瘳此歲運所主
 也天地之氣燥化在上左藏化右丹化故天氣急而其

政切苦化在下左柔化右動化故地氣明而其令暴陽專其令炎暑盛行物燥以堅淳風迺治風燥橫運流於氣交多陽少陰雲趨雨府濕化迺敷燥極而澤其穀白丹間穀命太者其耗白甲品羽金火合德上應太白熒惑清熱之氣持於氣交民病欬噎塞寒熱發暴振慄癢闕清先而勁毛蟲迺死熱後而暴介蟲迺殃歲運熱寒雨寒化雨化勝復同所謂邪氣化日也燥化四熱化二所謂正化日也歲半之前天氣陽明主之陽明以中氣爲化當其時燥濕相半者陽明得中也歲半之後地氣少陰主之少陰有本標之化當其時寒熱得中者少陰

之氣和也歲火適平不資化源唯安運氣無使受邪歲宜以若小溫調上以鹹寒調下以鹹溫調中食白丹之穀以安其氣食間氣之穀以去其邪運同熱氣宜多天化治之常也初之氣自壬寅年大寒日亥初至是歲春分日酉初凡六十日八十七刻半主位太角木客氣太陰土中見火運奉陽明之政而行春令地氣遷陰始凝氣始肅水迺冰寒雨化其病中熱脹面目浮腫善眠鼾衄嚏欠嘔小便黃赤甚則淋宜治太陰之客以甘補之以苦寫之以甘緩之歲穀宜白間穀宜麻迺無濕邪之害二之氣自春分日酉正至小滿日未正凡六十日有

奇主位少徵火客氣少陽火中見火運三火相符以行
舒榮之化陽廼布民廼舒物廼生榮厲大至民善暴死
是歲火氣適平厲無暴死宜治少陽之客以鹹補之以
甘寫之以鹹奠之歲穀用白間穀用豆廼無火邪之害
是氣也司氣以熱用熱無犯三之氣自小滿日申初至
大暑日午初凡六十日有奇主位少徵火客氣陽明金
中見火運金居火位天政布涼廼行燥熱交合燥極而
澤民病寒熱宜治陽明之客以酸補之以辛寫之以苦
泄之歲穀用白間穀用黍廼無燥邪之害四之氣自大
暑日午正至秋分日辰正凡六十日有奇主位太宮土

客氣太陽水中見火運寒濕之氣下奉少陰之令寒雨
降病暴仆振慄譫妄少氣嗌乾引飲及爲心痛癰腫瘡
瘍瘧寒之疾骨疼血便宜治太陽之客以苦補之以鹹
寫之以苦堅之以辛潤之歲穀用丹間穀用稷廼無寒
邪之害五之氣自秋分日巳初至小雪日卯初凡六十
日有奇主位少商金客氣厥陰木中見火運春令反行
草廼生榮民氣和宜調厥陰之客以辛補之以酸寫之
以甘緩之歲穀用丹間穀用稻自無風邪之害終之氣
自小雪日卯正至大寒日丑正凡六十日有奇主位太
羽水客氣少陰火中見火運火氣符會陽氣布候反溫

蟄蟲來見流水不冰民廼康平其病溫宜治少陰之客
以鹹補之以甘寫之以酸收之歲穀用丹間穀用豆廼
無熱邪之害是歲氣運適平若有邪氣則中行令其病
徐而持也

日亦有主立少商金容涼燥劍木中見火張春命列首
脈之書正之厥自林谷日日感至小雪日庚辰辰六士
寫之以苦學之以辛開之歲穀用丹間穀用豆廼
寒濕寒之寒骨熱血動宜治太剛之客
潤滋潤之潤對筋皮之厚滋潤得為又氣心氣滋潤春

大德重校聖濟總錄卷第二之上



